

DEN AMBIENTE

E creador di e ritmo contagioso "Ritmo combina"...

GIBI EMELINA A FIRMA CU CRISTAL RECORDS...

**** Recientemente Gibi Emelina a firma un acuerdo cu Cristal Records, pa e aña aki e bay produci varios produccionnan. E produccionnan cu Gibi**

Emelina lo bay produci, lo ta pa tanto Super Orquesta Qua-Si y tur e artistanan cu ta cay bao di Cristal Records.

Gibi Emelina ta un ex musico di E.R.A. Autentico y

recientemente e tabata forma parti hunto cu Lio Rosa den Orquesta Super Jumbo.

Gibi Emelina ta un pianista, cantante, compositor y areglista, kende por ser considera como esun cu a popularisa E.R.A. Autentico cu su hitnan di ritmo contagioso manera; "Mal Stima", "Habri Orea", "Baila malo pasa bon", "Pega Pega", cualnan tabata piezanan cu a cosecha hopi exito na Corsow, aki na Aruba, den Antillas y tambe na Hulanda.

E ultimo produccion cu Gibi Emelina a compone/aregla y canta, tabata cu Orquesta Super Jumbo, den cual e dos piezanan "Nos Ta Stima Hende Muher" y "Carpinte", a cosecha exitonan grandi.

Awor Gibi Emelina a forma parti di e famia di Cristal Sound, na unda actualmente e ta na Aruba trahando riba e produccion di Super Orquesta Qua-Si, cual produccion lo mester ta riba mercado mas probablemente cuminsamento di luna di Mei proximo.

Durante un entrevista exclusivo cu **DEN AMBIENTE** a sostene cu Gibi Emelina, el a declara cu ya e trabaonan pa su prome produccion pa Super Orquesta Qua-S ta den full swing.

Loke por spera riba e produccion aki, ta piezanan di diferente ritmonan, manera e.o. ritmo combina, kadance, salsa y son montuno.

Gibi a declara cu no ta tur e piezanan cu lo bay aparece

riba e disco compacto, ta ser compone y aregla pa su persona. Pero esnan di dje lo ta piezanan contagioso manera ritmo combina y kadance cualnan lo ser interpreta pa Tatro y Cesar Olarte.

Despues di finalisa cu e proyecto aki, e ta cuminsa cu su propio produccion di un disco compacto. E produccion aki lo ser realiza den Cristal Sound Factory. Cu e produccion aki Gibi Emelina lo subi riba mercado cu su propia banda musical. E banda musical aki lo ser forma pa integrantenan di Aruba y Corsow, cual tambe lo cay bao direccion di Cristal Productions. Pues nos lo keda pendiente di e produccionnan di Gibi Emelina, awor cu Cristal Records....



**** Riba foto nos por aprecia e talentoso compositor/areglista y cantante Gibi Emelina hunto cu Meiller Lourens di Cristal Productions...**

ELIGIO MELFOR HUNTO CU PERCEY JEAND'OR MUY PRONTO CU UN SERI DI COMEDIA NA TELE-ARUBA...

**** E legendario viviente comico Eligio Melfor, kende ta conoci pa su exitoso comedienan sumamente humoristico manera e.o. "Juan tres porta", "Gainan fini", "Esta un curashi", "Emanicipacion di hende muher", "Casanova" y actualmente su obra teatral "Awe Si Ta Awe" cu tambe ta yenando salanan di Cas di Cultura, a relalta na **DEN AMBIENTE** durante un entrevista exclusivo, cu su siguiente proyectonan, lo ta un programa di television aki na Tele-Aruba.**

E programa lo ta uno naturalmente humoristico, cu artistanan tanto di Aruba como di hermana isla Corsow. Ta trata di un seri familiar, caminda cosnan pret di bida ta sosode.

E artistanan di Aruba cu lo bay forma parti di elenco, ta entre otro e conocido comico

Percey Jeand'or. Un combinacion entre Eligio y Percey lo ta algo fabuloso. Tambe Mavis Helmeyer kende tin un programa di salsa na Radio Mi Fm, lo forma parti di e organizacion.

Ainda ta prematuro pa anuncia e fecha cu e programa lo inicia, pero Eligio a declara cu tur cos ta den pleno preparacion.

E intencion ta pa cuminsa cu e seri di 12 siman, un biaha pa siman. E seri lo worde graba tanto aki na Aruba y na Corsow.

E iniciativa aki a nace serca e propio Eligio Melfor, debi cu antes e tabatin un programa masha exitoso na Tele-Curacao, cu tabata titula "Hari".

E programa aki tabatin un acohida asina grandi, cu na momento cu e la stop, Eligio a ricibi masha hopi peticion pa revive. Pero debi na su

tantisimo compromisonan di su trabao publicitario, tempo no tabata duna pa realiza un programa asina extenso. Pero mirando e cooperacion di artistanan di Aruba y Corsow, esaki conhuntamente ta facilita pa realiza e trabao.

Tambe manera cu Eligio den caracter di primicia y exclusividad a declara na **DEN AMBIENTE** durante un entrevista aña pasa, tocante su proyecto pa e aña aki cu ta un cuenta di ada (sprookje), un adaptacion di "sneeuwite en de zeven dwergen", esaki lo bay tuma lugar den fin di aña den Cas di Cultura.

E siete enanonan den e obra lo ta enanonan di berdad, cualnan lo ta di Antillas y Venezuela. Eligio a duna nos di conoce cu e obra aki sigur lo ta un atraccion grandi pa tanto nos muchanan como nan mayornan.

Pues e aña aki e amantenan



**** Percey Jeand'or y Eligio Melfor**

di bon comedia lo bay haya hopi comedia pa disfruta di e

maestro comediante di tur tempo, Eligio Melfor...